

KANTON SARAJEVO

SKUPŠTINA KANTONA SARAJEVO

NAROD I PRAVDA

Danijela Kristić, zastupnica

MINISTARSTVO ZA OBRAZOVANJE, NAUKU I MLADE KS

PREDMET: INICIJATIVA

Ovim putem podnosim inicijativu za zapošljavanje socijalnih radnika i psihologa na neodređeno vrijeme u osnovnim školama (posebno škole u kojima je izražena potreba za navedenim kadrom).

Obrazloženje:

U skladu sa Pedagoškim standardima i općim normativima za osnovni odgoj i obrazovanje ("Službene novine Kantona Sarajevo", broj: 30/18) , za praćenje, analiziranje i unapređivanje saradnje s porodicom, društvenom sredinom i institucijama u svrhu preventivnog djelovanja, škola ima socijalnog radnika i psihologa.

Stručni saradnici diplomirani socijalni radnici i psiholozi u obrazovanju uglavnom se u školama angažuju u okviru Programa sufinansiranja zapošljavanja Zavoda za zapošljavanje Kantona Sarajevo, Projekt „100+“, Projekt „Prilika za sve“ ili u okviru projektnih aktivnosti nevladinog sektora na periode od 6 mjeseci ili godinu dana što ni u kom slučaju ne može dati pozitivan odgovor kada je u pitanju zaštita najboljeg interesa djeteta.

S obzirom na kratkoročnost ovih programa, smatram da se vrlo malo razmišlja o najboljem interesu djece u školama, o kvalitetu i kontinuitetu u radu sa djecom i njihovim roditeljima, a vrlo mnogo o stvaranju prividne slike o zapošljavanju.

Vjerujem da ćete prepoznati potrebe škola i podržati angažman socijalnih radnika i psihologa kao nezamjenjiv stručni profil, jedinstven u društvenom sistemu po širini svog djelovanja, koji ne tretira samo dijete, nego neposredno pokreće i koordinira potrebnu socijalnu promjenu za dobrobit djeteta - intervenirajući u porodici, školskom sistemu i svim relevantnim institucijama.

S tim u vezi, molim Vas da u skladu sa specifičnostima škola i stvarnim potrebama, uzmete u razmatranje aktualiziranje pitanja zapošljavanja stručnih saradnika diplomiranih socijalnih radnika i psihologa u okviru dugoročnih programa.

Sarajevo 28.10.2019.godine

Zastupnica u Skupštini KS

Danijela Kristić